



ACORDO DE AMPLIACIÓN DO PRAZO DE ENVÍO DOS AUDIOVISUAIS DO CONCURSO DE CURTAS SENDA DOS FAROS

O 27.11.2019, publicouse a Resolución da Secretaría Xeral de Política Lingüística da Consellería de Cultura e Turismo e da Dirección Xeral de Educación, Formación Profesional e Innovación Educativa da Consellería de Educación, Universidade e Formación Profesional pola que se aproban as bases e se convoca o Concurso de Curtas Senda dos Faros.

Este certame está destinado ao alumnado de educación secundaria (ESO, bacharelato, FP básica, ciclos formativos de grao medio) e ensinanzas especiais de grao medio.

A situación excepcional provocada pola pandemia supuxo a adopción dunha serie de medidas preventivas en materia de saúde pública, como o peche de todos os centros educativos desde o 16 de marzo de 2020. Así, o Acordo do Consello da Xunta de Galicia do 12 de marzo de 2020, estableceu respecto dos centros de ensino non universitario a suspensión da lectiva e dos servizos educativos complementarios; das vías de estudos, excursións ou desprazamentos de grupos de alumnado ou de profesorado; e de festivais, galas ou actividades que implicasen reunión de alumnado.

Así mesmo, o Real decreto 463/2020, do 14 de marzo, mediante o que se declarou o estado de alarma, ordenou tamén a suspensión da actividade educativa presencial en todos os centros.

Por outra parte, a Resolución do 22 de maio de 2020, pola que se reinicia a actividade lectiva presencial no curso escolar 2019-2020, se determinan as instrucións para o que resta do presente curso e se adoptan medidas de prevención e hixiene para a reapertura parcial nos centros de ensino non universitario dependentes da consellería estableceu a actividade lectiva presencial con carácter voluntario únicamente para o alumnado de segundo de bacharelato e dos segundos cursos de formación profesional de grao superior e de grao medio.

Ademais, segundo o Real decreto 463/2020, do 14 de marzo, polo que se declara o estado de alarma para a xestión da situación de crise sanitaria ocasionada pola COVID-19, interrompérónse os prazos para a tramitación dos procedementos das entidades do sector público.

Por mor da epidemia, resultou imposible para a maioría dos centros inscritos no Concurso de Curtas Senda dos Faros rematar o proceso de creación dos audiovisuais e presentalos no prazo establecido.

Por outra parte, en previsión da evolución futura da pandemia, considérase conveniente substituír os premios que implican desprazamento e concentración de grupos de alumnado e profesorado por outros nos que non se dea esta circunstancia.





XUNTA DE GALICIA

CONSELLERÍA DE
CULTURA E TURISMO

Secretaría Xeral de Política Lingüística

galicia

Por todo o anterior, o secretario xeral de política Lingüística e o director xeral de Educación, Formación Profesional e Innovación Educativa

ACORDAN:

1 Ampliar a data de entrega dos vídeos para participar no Concurso de Curtas Senda dos Faros, convocado ao abeiro da Resolución da Secretaría Xeral de Política Lingüística da Consellería de Cultura e Turismo e da Dirección Xeral de Educación, Formación Profesional e Innovación Educativa da Consellería de Educación, Universidade e Formación Profesional pola que se aproban as bases e se convoca o Concurso de Curtas Senda dos Faros, publicada o 27.11.2019.

O novo prazo de envío dos vídeos rematará o 30 de setembro de 2020 (incluído).

2 Modificar o artigo 3. Características dos premios, que queda da seguinte maneira:

Artigo 3. Características dos premios

Estableceranse os seguintes premios para os centros:

1.º Premio

Cheque-regalo de 1.000 € para material audiovisual ou literario en lingua galega; figura e diploma acreditativo.

2.º Premio

Cheque-regalo de 600 € para material audiovisual ou literario en lingua galega; figura e diploma acreditativo.

3.º Premio

Cheque-regalo de 400 € para material audiovisual ou literario en lingua galega; figura e diploma acreditativo.

Os premios poderán quedar desertos, en caso de non presentaren a calidade suficiente para os outorgar.

Asinado dixitalmente en Santiago de Compostela

O secretario xeral de Política Lingüística

O director xeral de Educación, Formación Profesional e Innovación Educativa

Valentín García Gómez

Manuel Corredoira López



Xacobeo 2021

